

DI OLINDO PA OLINDA



DESDE cu ex-Gobernador mr Olindo Koolman a termina su funcion como Gobernador di Aruba, un fundacion a wordo lanta cu e proposito di premia un ciudadano of organisacion cu a destaca den comunidad riba tereno comunitario, scientifico, medio ambiente, di arquitectura of di sentido civico remarcabel. Riba cumpleaños di ex Gobernador Koolman e prestigioso premio e aña aki lo wordo otorga na Olinda Rasmijn pa su aporte incondicional na cuida di nos naturaleza y di nos flora y fauna cu ta proteha y tambe esnan cu no ta proteha pa ley. Olinda Rasmijn, maestra di scol di profesion tin hopi aña cu su curason, su bida diario ta dedica na cuida, siña otro y duna informacion, formacion pa medio di caminatanan den rooi y den naturaleza. Olinda Rasmijn tambe ta duna lectura, na hoben y adulto, caminda cu e wordo invita sin pensa riba cobransa. Ta pa e motibo aki mr Olindo Koolman, ex Gobernador, personalmente lo entrega e premio prestigioso aki dia 15 di april na Olinda Rasmijn durante un cerimonia special.

